

Aningaasanik nuussinermi akiliisoq pillugu paasissutissat ilanngullugit nassiunneqartussat pillugit Inatsisartut inatsisissaattut siunnersuut xx.xxxx.-2010-meersoq

Kapitali 1

Atuuffia il.il.

§ 1. Inatsit manna nunap suup aningaasai pineqartut apeqqutaatinnagu aningaasanik nuussinernut atuuppoq, Kalaallit Nunaanni akiliisarnermi isumaginnittartumit tigu-neqartunut nassiunneqartunulluunniit, akiliisarnermi isumaginnittartoq suliffeqarfiugaan-gat aningaasanik nuussisartoq, imaluunniit Kalaallit Nunaanni nunaniluunniit allani suliffeqarfiit immikkoortortarippassuk.

Imm. 2. Inatsit manna aningaasanut nuussinernut akiliinermi kortit (kredit- aamma de-betkortit) atorlugit ingerlanneqartunut atuutinngilaq,

- 1) tiguisup akiliinermik isumaginnittoq isumaqatigiissuteqarfisimappagu nioqqutissa-nik kiffartuussinernillu akiliinissamut periarfissaliisumik, aamma
- 2) aningaasanik nuussineq kinaassusermik paatsoorneqarsinnaanngitsumik takutitsisu-mik aningaasanik nuussinermi akiliisup kinaaneramik paasisaqarnissamut periarfissiisumik ilaqartinneqarpat.

Imm. 3. Inatsit manna aningaasanik nuussinernut 7.500 kr.-t tikillugit aningaasartalin-nut qarasaasiakkut aningaasat aningaasalersuineramik suliaqarneq pillugu inatsimmi nas-siarneqarsimasutut ittut atorlugit ingerlanneqartunut atuutissanngilaq,

- 1) kortini immeqqinneqarsinnaanngitsuni amerlanerpaamik 1.125 kr.-t toqqortarineqarsinnaappata, imaluunniit
- 2) kortini immeqqinneqarsinnaasuni qaammatisiutit ukiuata ataatsip iluani amerlanerpaamik 18.750 kr.-t tikillugit toqqortarineqarsinnaappata, qaammatisiutillu ukiuata ataatsip iluani 7.500 kr.-t tiguneqarsinnaappata.

Imm. 4. Inatsit manna, imm. 3 apeqqutaatinnagu, aningaasanut nuussinernut oqarasuaat angallattagaq atorlugu imaluunniit qarasaasiakkut it-kkulluunniit atortut allat atorlugit ingerlanneqartunut atuutissanngilaq, aningaasanik nuussinerit taakku siumut akileriigaappata, 1.125 kr.-llu sinnernagit aningaasartaqarpat.

Imm. 5. Inatsit manna aningaasanut nuussinernut oqarasuaat angallattagaq atorlugu imaluunniit digitalikkut it-kkulluunniit atortut allat atorlugit ingerlanneqartunut atuutissanngilaq, aningaasanik nuussinerit taakku naammassineqarnermik kingornatigut akiligaappata, aamma

- 1) tiguisup akiliinermik isumaginnittoq isumaqatigiissuteqarfisimappagu nioqqutissanik kiffartuussinernillu akiliinissamut periarfissaliisumik,
- 2) aningaasanik nuussineq kinaassusermik paatsoorneqarsinnaanngitsumik takutitsisumik aningaasanik nuussinermi akiliisup kinaaneramik paasisaqarnissamut periarfissiisumik ilaqartinneqarpat, aamma
- 3) akiliisarnermi akunnermiliuttartoq aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisit tunngavigalugit pisussaaffeqarpoq.

§ 2. Inatsit manna Kalaallit Nunaata iluani nioqqutissanik kiffartuussinernillu pisinernut atatillugu nuussinernut atuutissanngilaq,

- 1) aningaasat 7.500 kr.-t sinnersimangippatigit,
- 2) tigusisup akiliinernik isumaginnittua aningaasanik unioqutitsinikkut pissarsiarineqarsimasunik inatsisinut naapertuuttunngortitsiniartarnej aamma pinerliiniarnernik aningaasalersuineq akiorniarlugu pinaveersaartitsumik suliniutit pillugit inatsimmi pineqartunut ilaatinneqarpat, aamma
- 3) inummit tigusisup nioqqutissanik kiffartuussinernilluunniit tunniussinissamik isumaqatigiissusiorfigisimasaanit aningaasanik nuussinert akiliinermi isumaginnittup tigusisooq aqquutigalugu normu tunngaviooq paatsoorneqarsinnaanngitooq atorlugu kingumut paasisaqarfigissinnaapagit.

§ 3. Aningaasanik nuussinerni paasisutissat suut ilaatinneqartarnissaannik piumasaaqatit, tak. § 9, kattuffinnut/suliniaqatigiiffinnut nalinginnaasumik iluaqutaasunik siunertaqartunut aningaasanik nuussinermi atuutinngillat,

- 1) aningaasat nuunneqartut 1.125 kt.-t sinnersimangippatigit,
- 2) nuussineq Kalaallit Nunaata iluani ingerlanneqarpat,
- 3) kattuffik/suliniaqatigiiffik naatsorsuutinik saqqummiussaataasutut piumasaaqateqarfigineqarpat, aamma
- 4) kattuffik/suliniaqatigiiffik pisortanit nakkutigineqarpat avataaneersumilluunniit kukkunersiorneqartarpat, kukkunersiuisumit naalagaaffimmit akuerisaasumit kukkunersiuisumilluunniit nalunaarsorneqarsimasumit ingerlanneqartumik.

Imm. 2. Imm. 1 tunngavigalugu atuutsitsisoqassannginnissaani piumasaaqaataavoq kattuffiup/suliniaqatigiiffiup Akileraaruseriffimmi nalunaarsorneqarsimasuunissaa, naatsorsuutinillu saqqummiussisussaannermik piumasaaqateqarfiup avataaneersumillu kukkunersiuisoqarnissamik pisortanilluunniit nakkutigineqarnissamik piumasaaqatit eqqortinneqarsimanissaat. Kattuffik/suliniaqatigiiffik inuit kattuffiup/suliniaqatigiiffiup qullerpaatut aqutsisui imaluunniit taassuminnga allatigut nakkutilliisut pillugit aammaattaq paasisutissiissaaq. Pissutsini oqaaseqatigiit siullianni aappaannilu taaneqartuni allannguutit Akileraaruseriffimmut nalunaarutigineqartassapput.

§ 4. Inatsit manna aningaasanik nuussinernut imaattunut atuutissanngilaq:

- 1) akiliisooq nammineq kontominit aningaasanngorlugit tigusippat,
- 2) illuatungeriit marluk kontokkut akunnerminni akiliinissaannut periarfissiisumik aningaasanik akilernerqartunik nuussinissaannut akuersissuteqartoqarsimappat, aningaasanik nuussineq pineqartoq inatsilerinermi immikkoortup inuulluunniit kinaassusianik paatsoorneqarsinnaanngitsumik takutitsisumik paasisaqarnissamut periarfissiisumik ilaqartinneqarpat,
- 3) checkit qarasaasiakkut akuerisaasut atorlugit akiliisooqarpat,
- 4) Kalaallit Nunaanni akileraarutit, pillaammik akiliisitsissutit akitsuutilluunniit allat pisortanut akilernerqarnerat pineqarpat, imaluunniit
- 5) akiliisooq tigusisorlu akiliinernik isumaginnittuusarpata, namminneq akisussaaffigisaminnik iliuuseqartut.

Kapitali 2

Nassuiaatit

§ 5. Inatsimmi matumani makku ima paasineqassapput:

- 1) Akiliisooq: Inuk inatsilerinermiluunniit immikkoortoq, kontomik piginnittoq kontomit aningaasanik nuussisoqarnissaannik akuersissutiginnittoq, imaluunniit

kontoqanngippat inuk inatsisilerinermiluunniit immikkoortoq aningaasanik nuussisoqarnissaanik inniminniisoq.

2) Tigusisoq: Inuk inatsisilerinermiluunniit immikkoortoq, aningaasanik nuussinermi aningaasanik nuunneqartunik tigusisussarpiatut eqqarsaatigineqartoq.

3) Akiliinermik isumaginnittoq: Inuk inatsisilerinermilluunniit immikkoortoq, aningaasanik nuussinikkut kiffartuussinernik tunniussisarnermik sulinermini ilaatitsisoq.

4) Akiliinermik isumaginnittunut akunnermiliuttoq: Akiliinermi akunnermiliuttoq, akiliisup tigusisulluunniit akiliinermik isumaginnittorinngisaat, aningaasanik nuussinerup isumagineqarnerani peqataasoq.

5) Aningaasanik nuussineq: Aningaasanik nuussineq, akiliisoq sinnerlugu akiliinermik isumaginnittoq aqputigalugu qarasaasiakkut isumagineqartoq, tigusisumut akiliinermik isumaginnittumiittumut aningaasanik atugassiissuteqartoqarnissaa siunertaralugu, inuup akiliisup tigusisullu taannarpiaanera apeqqutaatinnagu.

6) Batchfilitut nuussineq: Aningaasanik nuussinerit ataasiakkaat ataatsimoortillugit nassiunneqartut.

7) Kinaassutsimut paatsoorneqarsinnaanngitsumik takussutissaq: Naqinnerit, kisitsit ilisarnaatilluunniit ataatsimoortitat akiliinermik isumaginnittumit aalajangersarneqarsimasut, akiliinermik, isumaginninnermik nalunaaruteqartarnermillu ingerlatseriaatsit aningaasanik nuussinerit isumagineqarneranni atorineqartartut pillugit nalunaarsuiffiit naapertorlugit.

8) Aningaasanik peqquserluutinik malunnarunnaarsaasarnermut allattoqarfik: Aningaasanut pinerluutinut allattoqarfik Kalaallit Nunaannut attuumassuteqartoq Danmarkimi Hvidvaskesekretariatet-imi inissisimavoq, illutigut Naalagaaffiup Eqqartuussisuata aningaasaqarnikkut immikkut pinerluttuleriffiani (SØK) inissisimalluni, SØK-lli ataani sammisaqarfiunani.

§ 6. Inatsimmi matumani Aningaasanik peqquserluutinik malunnarunnaarsaasarneq, aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisartut inatsisaanni § 4-mi nassuiarneqarneratut pasineqassaaq.

§ 7. Pinerliiniarnernik aningaasalersuineq Kalaallit Nunaanni pinerluttulerineq pillugu inatsimmi § 30-mi nassuiarneqarsimaneratut paasineqassaaq, iliuuserineqartoq inatsimmi tassani § 28-mi pineqartoq eqqarsaatigalugu.

Kapitali 3

Akiliisup akiliinermik isumaginnittuata pisussaaffii

Akiliisoq pillugu paasissutissat tamakkiisut

§ 8. Akiliisoq pillugu paasissutissat tamakkiisut tassaapput taassuma aqqa, najugaqarfia kontoatalu normua. Najugaqarfimmuut taarsiullugu akiliisup ulloq inunngorfia, sumi inunngornera, sullitap ilisarnaatitut normua imaluunniit inuttut normua allanneqarsinnaavoq. Akiliisoq kontomut normoqanngippat akiliinermik isumaginnittup kontop normuanut taarsiullugu kinaassutsimut ilisarnaat paatsoorneqarsinnaangitsoq aningaasanik nuussinermi akiliisumik paasissutissiisinnaasoq atussavaa.

Aningaasanik nuussinerni paasissutissat nalunaarsuinerlu

§ 9. Akiliinermik isumaginnittup aningaasanik nuussinerni akiliisoq pillugu paasissutissanik tamakkiisunik ilaqartinneqartarnissaat qulakkiissavaa, tak. § 8.

Imm. 2. Aningaasat nuunneqannginneranni akiliisup akiliinermik isumaginnittuata uppersaasatit paasissutissalluunniit allat tatiginartut paasissutissiisumit arlaannaannulluunniit attuumassuteqanngitsumeersut tunngavigalugit akiliisoq pillugu paasissutissat tamaasa misissussavai.

Imm. 3. Kontomit aningaasanik nuussinermi misissuisoqarnissaanik piumasaqaat eqqortinneqartutut isigineqassaaq

- 1) kontop ammarneqarneranut atatillugu akiliisup kinaassusia uppersarsarneqarpat, paasissutissallu tamatumunnga atatillugu saqqummertut, aningaasanik peqquserluutininik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuserisassat pillugit inatsimmi kinaassutsit pillugit paasissutissat toqqortarineqarnissaannik pisussaaffeqarnermik piumasaqaatit tunngavigalugit toqqortarineqarpat, imaluunniit,
- 2) akiliisoq akiliinermik isumaginnittumit inatsisip matuma atortuulernera sioqqulluguli sullitarineqarsimappat, akiliisorlu pillugu paasissutissat tamakkiisut aarlerinartunik naliliineq tunngavigalugu piffissami naleqquttumi pissarsiarineqarpat.

Imm. 4. Aningaasanik nuussinerni konto aqutiginagu isumagineqartuni akiliisup akiliinermik isumaginnittuata akiliisoq pillugu paasissutissat aatsaat uppersarsassavai aningaasat nuunneqartut 7.500 kr.-t sinnersimappatigit, aningaasanik nuussineq nuussinertigit arlalitsigut imminnut ataqatigiinneqarsorinartutigit katillutik 7.500 kr.-t sinnerlugit aningaasartaqartutigit isumagineqarsimangippat.

Imm. 5. Imm. 4 atuutissanngilaq aningaasanik peqquserluutininik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuserisassat pillugit inatsimmi § 7-mi nalunaaruteqartussaataaneq tunngavigalugu nuussineq aningaasanik peqquserluutininik malunnarunnaarsaanertut imaluunniit pinerliiniarnernik aningaasalersuinertut pasitsaanneqarpat.

Imm. 6. Akiliisup akiliinermut isumaginnittuata nalunaarsuiffiit aningaasanik nuussinermi akiliisoq pillugu paasissutissanik imaqtartut ukiuni tallimani toqqortarissavai.

Aningaasanik Kalaallit Nunaata iluani nuussineq

§ 10. § 9, imm. 1 atuutissanngilaq akiliisut tiguisullu akiliinermik isumaginnittuat Kalaallit Nunaannippat, aningaasanillu nuussineq akiliisup kontoata normuanik imaluunniit kinaassutsimut paatsuugassaannngitsumik takussutissiamik aningaasanik nuussinermi akiliisup kinaassusianik paasissutissiisinnaasumik ilaqartinneqarpat.

Imm. 2. Tiguisullu akiliinermik isumaginnittuata tamanna qinnutigippagu akiliisup akiliinermi isumaginnittuata akiliisoq pillugu paasissutissat tamakkiisut tiguisup akiliinermik isumaginnittuanut atugassanngortissavai, taamatut qinnuteqarnerup tiguneqarnerata kingornatigit ullut suliffiusut pingasut qaangiutsinnagit.

Aningaasanik Kalaallit Nunaata nunallu allat akornanni nuussineq

§ 11. Tiguisup akiliinermik isumaginnittua Kalaallit Nunaata avataaniippat aningaasanik nuussinerni akiliisoq pillugu paasissutissanik tamakkiisunik ilaqartinneqassapput.

Imm. 2. Akiliisumit ataatsimit batchfilitut nuussinerni tiguisup akiliinermik isumaginnittui Kalaallit Nunaata avataaniippata imm. 1 nuussinernut ataasiakkaanut tassani katersorneqarsimasunut atuutissanngilaq, batchfili paasissutissanik taakkuninnga ima qarpat, nuussinerillu ataasiakkaat akiliisup kontoa pillugu paasissutissanik imaluunniit kinaassutsimut paatsuugassaanngitsumik takussutissiamik ima qarpata.

Kapitali 4

Tiguisup akiliinermik isumaginnittuata pisussaaffii

Akiliisoq pillugu paasissutissat amigaataanerannik paasisaqarnek

§ 12. Tiguisup akiliinermik isumaginnittuata akiliisoq pillugu paasissutissanik nalunaaruteqariaatsimi, imaluunniit akiliinermik isumaginneriaatsimi aningaasanik nuussinerni atorneqartartutut immersugassami immersuiffissat ilisarnaatinik allaniluunniit isumaginneriaatsimi pineqartumi akuerisaasunik immersorneqarsimanersut misissussavai. Tiguisup akiliinermik isumaginnittua akiliisoq pillugu paasissutissat makku amigaataanersut paasiniallugu sukumiisumik suleriaaseqassaaq:

- 1) Aningaasanik nuussinerni akiliisup akiliinermik isumaginnittua Kalaallit Nunaanniippat paasissutissat § 10 tunngavigalugu piumasaqaatigineqartut.
- 2) Aningaasanik nuussinerni akiliisup akiliinermik isumaginnittua Kalaallit Nunaata avataaniippat akiliisoq pillugu paasissutissat tamakkiisut § 8 tunngavigalugu piumasaqaatigineqartut, imaluunniit tamanna pisariaqarpat paasissutissat § 17 tunngavigalugu piumasaqaatigineqartut.
- 3) Batchfilitut nuussinerni akiliisup akiliinermik isumaginnittua Kalaallit Nunaata avataaniippat akiliisoq pillugu paasissutissat tamakkiisut § 8 tunngavigalugu piumasaqaatigineqartut, taamaattorli batchfilitut nuussinerinnarmi, imaanngitsoq nuussinerni ataasiakkaani tassani katersorneqarsimasuni.

Aningaasanik nuussinerni akiliisoq pillugu paasissutissat amigaataappata paasissutissalluunniit amigarpata

§ 13. Tiguisup akiliinermik isumaginnittua aningaasanik nuunneqartunik tiguserani paasissutissat inatsit manna tunngavigalugu piumasaqaataasut amigaataasut amigartulluunniit paasigunigit aningaasanik nuussineq itigartissavaa imaluunniit akiliisoq pillugu paasissutissat tamakkiisut piumassallugit.

Imm. 2. Akiliinermik isumaginnittup akiliisoq pillugu paasissutissat piumasarineqartut akuttunngitsumik tunniuttanngippagit, tiguisup akiliinermik akunnermiliuttua iliuseqassaaq, tassanilu mianersoqqussutinik nassiussineq piffissaliussatullu aalajangersarneqartut siullermik ilaasinnaapput, tamatumalu kingornatigut akiliinermik isumaginnittup taassuma siunissami aningaasanik nuussineri itigartittarsinnaallugit imaluunniit akiliinermik isumaginnittumut tassunga niuernikkut attaveqaqatiginninneq killissalersorneqassanersuq unitsinneqassanersorluunniit isummerfigisinnaallugu. Tiguisup akiliinermik isumaginnittua oqaaseqaatigiit siulliit tunngavigalugit iliuseqarpat Aningaasanik Peqquserluutinik Malunnarunnaarsaasarnermut Allattoqarfik tamatuminnga nalunaarfigineqassaaq.

Aarlerinartut aallaavigalugit naliliineq

§ 14. Akiliisoq pillugu paasissutissat amigaataanerat amigarneralluunniit aningaasanillu nuussineq tamatumaluunniit assinganik nuussineq pasinartuunersoq aamma Aningaasanik Peqquserluutinik Malunnarunnaarsaasarnermut Allattoqarfik aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisimmi § 7 tunngavigalugu nalunaaruteqarfigineqassanersoq tiguisup akiliinermik isumaginnittuata naliliinerani ilaatinneqassapput.

Nalunaarsuineq

§ 15. Tiguisup akiliinermik isumaginnittuata nalunaarsuiffiit aningaasanik nuussinermi akiliisoq pillugu paasissutissanik imaqtartut ukiuni tallimani toqqortarissavai.

Kapitali 5

Akiliinermik isumaginnittunut akunnermiliuttut pisussaaffii

Nuussinermi akiliisoq pillugu paasissutissanik toqqortarinnittarneq

§ 16. Akiliinermik isumaginnittunut akunnermiliuttut paasissutissat aningaasanik nuussinermut atatillugu akiliisoq pillugu tigusatik tamaasa aningaasanik nuussinermut ilanngullugit toqqortarineqarnissaat isumagissavaat.

Teknikkikkut killissaliissutit

§ 17. Akiliisup akiliinermik isumaginnittua Kalaallit Nunaata avataaniippat akiliinermillu isumaginnittumut akunnermiliuttoq Kalaallit Nunaanniippat imm. 2-5 atorneqassapput.

Imm. 2. Akiliinermik isumaginnittumut akunnermiliuttup akileeriaaseq teknikkikkut killissalernerqarsimasoq tiguisup akiliinermik isumaginnittuanut aningaasanik nuussinermik nassiussinermi atorsinnaavaa, teknikkikkut killissaliussat akiliisoq pillugu paasissutissanik aningaasanik nuussinermi malinnaatitsisinnaannginnerat apeqqutaatinnagu, paasissutissat inatsit manna tunngavigalugu piumasaqaataasut amigaataanngitsut amigaataanngitsulluunniit akiliinermik isumaginnittumut akunnermiliuttup aningaasanik nuunneqartunik tiguisinermi paasippagu.

Imm. 3. Akiliisoq pillugu paasissutissat inatsit manna tunngavigalugu piumasaqaataasut amigaataasut amigartulluunniit akiliinermik isumaginnittumut akunnermiliuttup aningasani nuussinermik tiguisinermi paasiguniuk akileeriaaseq teknikkikkut killissaliisoq aatsaat atorsinnaavaa, akiliisoq pillugu paasissutissat amigaateqartut tamakkiisuunngitsulluunniit akiliisup akiliinermik isumaginnittuanut nalunaarutigineqarsinnaappat. Nalunaarutiginninneq pisinnaavoq akileeriaaseq nalunaaruteqariaaserluunniit paasissutissanik ingerlatitseqqiisinnaasoq atorlugu, imaluunniit periaaseq alla akuerisaasoq imaluunniit akiliinermik isumaginnittut taakkua akornanni isumaqatigiissutaasimasoq atorlugu.

Imm. 4. Akiliinermik isumaginnittumut akunnermiliuttup akileeriaaseq teknikkikkut killissalersuisoq atorpagu, akiliinermik isumaginnittumut akunnermiliuttup akiliisoq pillugu paasissutissat tiguneqartut tamaasa tiguisup akiliinermik isumaginnittuata qinnuteqarneratigut tiguisup akiliinermik isumaginnittuanut qinnutigisap tiguneranit ullut suliffiusut pingasut qaangiutinnginneranni atugassanngorlugit tunniutissavai,

paasissutissat taakku tamakkiisuunerat tamakkiisuunnginneralluunniit apeqquataatinnagu.

Imm. 5. Imm. 2-mi aamma 3-mi taaneqartutut pisoqartillugu nalunaarsuiffiit paasissutissanik tiguneqartunik tamanik imallit akiliinermik isumaginnittumut akunnermiliuttup ukiuni tallimani toqqortarissavai.

Kapitali 6

Nakkutilliineq naammagittaalliuuteqarsinnaanerlu

§ 18. Akiliinermik isumaginnittut inatsimmik matuminnga eqquutsitsinerat Akileraaruseriffiup nakkutigissavaa.

Imm. 2. Paasissutissat inatsisip matuma malinneqarneranik nakkutilliinermi atugassatut pisariaqartut akiliinermik isumaginnittut Akileraaruseriffimmut tunniutissavaat.

Kapitali 7

Pineqaatissiissutit

§ 20. § 9, imm. 1-imik, imm. 2-mik, imm. 4-mi aamma imm. 6-imik, § 10, imm. 2-mik, § 11, imm. 1-imik, § 12-imik, § 13-imik, § 15-imik kiisalu § 17, imm. 3-5-imik piaaraluni mianersuaalliorujussuarluniluunniit unioqquitsinerit pinerluttulerineq pillugu inatsit tunngavigalugu pillaammik akiliisitsinikkut pineqaatissiissutigineqassapput. Pisuni immikkut sakkortusaataasuni Pinerluttulerineq pillugu inatsimmi kapitali 31-at atorneqarsinnaavoq.

Imm. 2. Suliffeqarfiup inuulluunniit pisussaaffik § 18, imm. 2 tunngavigalugu pisussaaffigisani eqqortinngippagu Akileraaruseriffiup inuk, suliffeqarfik inuulluunniit suliffeqarfimmut akisussaasut pinngitsaaliiniutitut pillaammik ullormiit ullormut sapaatilluunniit akunnikkaartumik akiliisussanngortissinnaavai.

Imm. 3. Ingerlatseqatigiiffiit il.il. (inatsisilerinermi immikkoortutut isigineqartut) pinerluttulerineq pillugu inatsimmi kapitali 5 tunngavigalugu pinerluttulerineq pillugu inatsit tunngavigalugu akisussaatinneqarsinnaapput.

Kapitali 8

Atortuulersitsineq

§ 21. Inatsit manna 1. juni 2010-mi atortuulerpoq.

Namminersorlutik Oqartussat, xx.xx.2010

Kuupik Kleist

/

Ove Karl Berthelsen